


Hulanda a intermedia!

Intento di "Coup" fracasa pa kita Fiscal Major Janssen for di caso di Natalee



Fiscal Major Karin Janssen y Comisario Jan van der Straten, aki saliendo di cas na Montaña.

ORANJESTAD (AAN): Sindicato di Polis Arubano (SPA) ta sigui delaster desaroyo di acerca locual ta e caso di Natalee Holloway.

Manera ta conoci pa algun tempo caba den cuerpo policial ta bruy den top cu cierto Comisario ta bringando pa poder total. Parce cu e no sa con pa yega na e poder absoluto, y a mira con a purba di hala Comisario Jan van der Straten riba un forma traicionero pero no a worde logra ya cu 99 por ciento di miembran den Cuerpo Policial ta para firme tras di

Comisario.

Awor cu no a logra, atrobe esnan den Top a traha un

asina yama "coup" pa bula cabez di e Fiscal Major. Pero esnan cu tras di cortina a purba a bolbe dal den duro. Ya cu un biaha mas tanto e team investigador y lo demas miembro di Cuerpo Policial a para e proceso di "coup" aki mesora.

Aparentemente Hulanda apesar cu nos tin nos status aparte tin asina yama "toezicht di hogerehand" esta Reino Hulandes. Aruba tin di tene cuenta cune, y nan a para e plan absurdo net awor cu e ta mey-mey di un investigacion masha importante pa logra soluciona e caso di Natalee cu henter mundo via medionan internacional ta worde sigui di cerca.

Ta con por ta posible y kende ta esnan cu a hinca den cabez di nos mandatarionan casi por menciona ta perdiendo nan cabez pa bay tuma medidanen di represaya contra bo comisario y awor Fiscal Major.

Un bataya desde principio bo sa cu bo ta perde esaki y keda cu berguenza pa henter

mundo. Envez di nos fria cabez y laga e investigacion tuma su tempo. E pruebanan ta locual ta esencial si un sospechoso keda keto y no bisa net nada con bo por bay forse pa admiti su culpabilidad. Husticia ta funciona cu hechos, evidencia, testigo principal, cuenta cu nan di ken di e flie no ta subi ora e worde presenta den corte.

E team mester di tempo pa concentra den e caso no caba biaha nan tin di dal para pa motibo kier kita kende for di e investigacion. Tin caso ta tuma mas di un a pa soluciona.

Na Merca por e ehemplo e

siman aki mes, un mucha muher despues di 7 aña a logra worde localiza trahando den un negoshi. El a basha abao cu siete aña pasa e tabatin problema cu su mayornan, y nan a stop di paga su estudio pa cual el a dicidi di distancia su mes for di famia y a desaparece. Un team grandi a worde poni riba e caso y un tipo di oro despues di 7 aña cu a drenta asina autoridad a logra di sera e caso.

Ban carga speranza cu e team encabeza pa Fiscal Major lo por trece un claridad pa asina comunidad lo por hala rosea y kita e peso.

Mama di Natalee posiblemente a duna

un prueba di D.N.A.

ORANJESTAD (AAN): Informacion nobo cu DIARIO ta dispone di dje, ta indica cu e mama di Natalee Holloway, a dicidi di duna un "DNA Sample" na autoridad local.

Esaki a socede un of dos dia pasa. No ta conoci kico e motibo principal pa esey ta,

pasobra confirmacion no por a worde haya.

DIARIO no ta kere cu esaki ta worde haci pasobra e mama lo ta bayendo di e isla. Pasobra e mama mes a declara cu e lo no bandona Aruba tanten cu e no haya Natalee.

ER IS HEEN BEIL VOOR HEEL VIL HOOFTEN!!

JANSEN Y VAN DER STRATEN,
KI PRUEBA BOSO POR TIN
CU TAMI A BULA BOSO
CABEZ ATO!?! BOSO
NO POR WAAK MI
TOCH!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Pressure
Cooker 2 L.
Afl. 42,95